

Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 422;
fax. +387 33 726 423
e – mail: info@voda.ba

Broj: **UP-1/21-3-40-295-4/25**

Datum: **27.08.2025. godine**

„Agencija za vodno područje rijeke Save“ Sarajevo rješavajući po zahtjevu pravnog lica „Jablan“ d.o.o. Srebrenik za donošenje rješenja o vodnoj dozvoli za ispuštanje tehnoloških otpadnih voda i aktivnosti koje mogu imati specifične uticaje na vode sa lokacije prostora površinskog kopa-kamenoloma „Gradina“, lokalitet Potpeć, Grad Srebrenik, na osnovu člana 139. stav (1) tačke 3. i 10. Zakona o vodama („Sl. novine Federacije BiH“, br. 70/06) i člana 200. stav (1) Zakona o upravnom postupku („Sl. novine Federacije BiH“, broj 2/98, 48/99 i 61/22), donosi

RJEŠENJE **o vodnoj dozvoli**

1. Pravnom licu „Jablan“ d.o.o. Srebrenik daje se vodna dozvola za ispuštanje tehnoloških otpadnih voda i aktivnosti koje mogu imati specifične uticaje na vode sa prostora površinskog kopa „Gradina“, lokalitet Potpeć, Grad Srebrenik, na zemljištu označenom kao k.č. 1262/3 K.O. Potpeć, Srebrenik.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
3. Rješenje o vodnoj dozvoli je doneseno na osnovu pregleda dokumentacije kojom raspolaže podnosilac zahtjeva, izvršenog uviđaja i utvrđenog činjeničnog stanja na objektu i pod slijedećim uslovima:
 - 3.1. Da se upotreba i korištenje predmetnih objekata vrši u skladu sa njihovom prirodom i namjenom te u skladu sa uslovima iz ove vodne dozvole.
 - 3.2. Da se objekti čija je svrha odvođenje i prečišćavanje tehnoloških otpadnih voda (tipski separator ulja, masti i naftnih derivata, slivnici, rešetke, kanali, šahtovi, drenažne cijevi, ivičnjaci, rigoli, betonski taložnik, kanalizaciona mreža i dr.) redovno održavaju i koriste na način koji će obezbijediti njihovu potpunu ispravnost i funkcionalnost.
 - 3.3. Da korisnik predmetnih objekata, za vrijeme trajanja ove dozvole, obezbjeđuje da se tehnološke otpadne vode i oborinske onečišćene vode sa prostora površinskog kopa-kamenoloma nesmetano sakupljaju i odvođe do objekata predviđenih za tretman tehnoloških otpadnih voda i oborinskih onečišćenih voda, a zatim ovako tretirane vode preko monitoring okana ispuštaju u – rijeku Tinju.
 - 3.4. Da se redovno vrši monitoring prečišćene otpadne vode iz okna za monitoring shodno članu 19. i 20. Uredbe o uslovima ispuštanja otpadnih voda u okoliš i sisteme javne kanalizacije, te pojedinačne i zbirne godišnje izvještaje dostave Agenciji u skladu sa odredbama iste.
 - 3.5. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaju i načinu davanja ovlasti („Službene novine Federacije BiH“, broj 14/10, 14/13, 26/14, 15/17, 23/17 i 41/20).
 - 3.6. Prečišćene otpadne vode, prije ispuštanja u recipijent, moraju ostati u maksimalno dopuštenim granicama definisanim u Prilogu 27. Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“, broj 26/20, 96/20, 1/24), a ukoliko Vlada Tuzlanskog kantona propiše dodatne (strožije) uslove za ispuštanje otpadnih voda u površinske vode, od uslova definisanih u Prilogu 27. Uredbe o uslovima ispuštanja otpadnih voda u okoliš i sisteme javne kanalizacije, podnosilac zahtjeva je u obavezi iste zadovoljiti.

- 3.7. Da korisnik poslovnog objekta bušenje i miniranje stijenske mase radi kontrolisano po projektu te da minerske radove može vršiti isključivo ovlašteno minersko društvo.
- 3.8. Da se eksploatacija mineralne sirovine na površinskom kopu „Gradina“, lokalitet Potpeć, Grad Srebrenik vrši isključivo u skladu sa odobrenim (verifikovanim) rudarskim projektom tj. u skladu sa Zakonom o rudarstvu („Službene novine Federacije BiH“ broj 26/10) i drugim pratećim provedbenim propisima, tj. podzakonskim aktima koji tretiraju ovu oblast.
- 3.9. Korisnik objekta je obavezan pridržavati se svih mjera i uslova propisanih u saglasnostima i dozvolama izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
- 3.10. Da se, u skladu sa propisima iz oblasti zaštite okoliša, vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
- 3.11. Sadržaj (mulj) iz postrojenja za prečišćavanje otpadnih voda i ostali otpad ne smije se odlagati na česticu „vodno dobro“, odnosno u vodotoke i na njegove obale.
- 3.12. Da se istrošena ulja, nauljene krpe i sav opasan otpad koji će nastati na prostoru površinskog kopa-kamenoloma „Gradina“ prikuplja i propisno, privremeno skladišti u metalne spremnike, do krajnjeg, ekološki prihvatljivog zbrinjavanja od strane ovlaštene organizacije, a prema sačinjenom ugovoru.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog privrednog kompleksa obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
6. Ukoliko radom predmetnog privrednog kompleksa za koji se izdaje ova vodna dozvola dođe do promjene režima površinskih i podzemnih voda, a te promjene prouzrokuju štete ma kakvog karaktera, korisnik objekta je dužan uzroke štete otkloniti, a nastale štete nadoknaditi.
7. U periodu važenja ove dozvole, pravno lice je dužno provoditi sve mjere i aktivnosti propisane istom.
8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. Prije isteka važnosti ove dozvole korisnik je dužan da podnese zahtjev za izdavanje nove vodne dozvole.
10. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godina od dana pravosnažnosti ovog rješenja.
11. Za izgradnju novih ili rekonstrukciju ili uklanjanje postojećih objekata te promjenu uslova tretmana tehnoloških otpadnih voda, ako bi se time uticalo na promjenu kvaliteta i kvantiteta voda, odnosno, ako se time mogu trajno, povremeno ili privremeno prouzrokovati promjene u režimu voda, korisnik predmetnih objekata je dužan pribaviti vodne akte (prethodnu vodnu saglasnost, vodnu saglasnost i vodnu dozvolu).
12. Ovo rješenje o vodnoj dozvoli može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Pravno lice „Jablan“ d.o.o. Srebrenik podnio je zahtjev za izdavanje Rješenja o vodnoj dozvoli za ispuštanje tehnoloških otpadnih voda i aktivnosti koje mogu imati specifične uticaje na vode sa lokacije prostora površinskog kopa-kamenoloma „Gradina“, lokalitet Potpeć, Grad Srebrenik.

U provedenom postupku dostavljena je i pregledana sljedeća dokumentacija:

A-Opšta dokumentacija:

- Aktuelni izvod iz sudskog registra izdat od strane Općinskog suda u Tuzli – ovjerena kopija,

- Uvjerenje o poreznoj registraciji od 10.06.2003. godine izdato od strane Kantonalnog poreznog ureda Tuzla - ovjerena kopija,
- Rješenje, broj:08-23-2-7122/12 od 13.12.2012. godine izdato od strane Službe za prostorno uređenje, stambeno-komunalne poslove i obnovu općine Srebrenik – ovjerena kopija,
- Rješenje, broj:04/1-13-21-16759/24 od 01.07.2024. godine izdato od strane Ministarstva poljoprivrede, šumarstva i vodoprivrede Tuzlanskog kantona – ovjerena kopija,
- Rješenje o vodnoj dozvoli, broj:UP-I/25-3-40-258-5/20 od 23.07.2020 godine izdato od strane Agencije za vodno područje rijeke Save, Sarajevo – kopija,
- Prateći transportni list br.969-04/25 od 13.08.2025. godine izdat od strane „Kemeko-BH“ d.o.o. Lukavac – kopija,
- Rješenje, broj:UPI 05/2-02-19-5-85/21 od 16.08.2021. godine izdato od strane Federalnog ministarstva okoliša i turizma – kopija,
- Ugovor o obnavljanju ugovora o koncesiji broj:03/1-14-6078/20 od 16.03.2020. godine od 27.05.2024. godine potpisan sa Ministarstvom privrede Tuzlanskog kantona – kopija,
- Ugovor broj:243-01/24 od 21.03.2024. godine potpisan sa „Kemeko BH“ d.o.o. Lukavac – kopija,
- Izvještaj o monitoringu kvaliteta i kvantiteta otpadnih voda, broj:7-534-5220/25 od 21.07.2025. godine urađen od strane TQM d.o.o. Institut za kvalitet, standardizaciju i ekologiju Lukavac – kopija,
- Dokaz o uplaćenju federalnoj upravnoj pristojbi na zahtjev

B- Tehnička dokumentacija:

- Glavni projekat prikupljanja i zbrinjavanja otpadnih voda na površinskom kopu kamenoloma „Gradina“ i uređenje desne obale rijeke Tinje na predmetnoj lokaciji, urađen od strane „ES Hydrotechnics“ d.o.o. Sarajevo, decembar 2012. godine, na uvid u toku vršenja uviđaja.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 12. stav 5. i 6. Pravilnika o sadržaju, obliku, uvjetima i načinu izdavanja i čuvanja vodnih akata („Službene novine Federacije BiH“ broj: 31/15, 55/19, 41/20, 63/22) izvršen je uviđaj i tom prilikom sačinjen Zapisnik o izvršenom uviđaju broj:UP-1/21-3-40-295-2/25 od 21.08.2025. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

- Ležište tehničkog građevinskog kamena krečnjaka „Gradina“ zahvata površinu od 5,80 ha, na zemljištu označenom kao k.č. 1262/3 K.O. Potpeć, Srebrenik. Proizvodni proces odvija se u više faza i to: otkrivanje ležišta (sječa i uklanjanje rastinja), bušenje minskih bušotina, miniranje, usitnjavanje negabaritnih blokova, separisanje materijala te njegovo deponovanje. Pravo lice je potpisalo Ugovor o koncesiji sa Ministarstvom privrede Tuzlanskog kantona.
- Na radno manipulativnom platou izgrađena je zgrada u kojoj se u jednom dijelu nalazi administrativni prostor (kancelarijski prostor sa pratećim sadržajima), a u drugom dijelu se nalazi skladišni prostor, mokri čvorovi, te hala za remont mehanizacije. Sa lijeve i desne strane (u odnosu na upravnu zgradu) nalazi se radno-manipulativni plato, otkopni prostor, prostor za deponovanje separisanog materijala, dvije mobilne drobilice te parking za automobile.
- U procesu prerade mineralne sirovine ne koristi se voda (suhi postupak).
- U cilju zaštite rijeke Tinje od zamuljenih voda sa eksploatacionog prostora i radno-manipulativnog prostora izgrađen je obodni kanal do taložnika dimenzija (cca 2x3x5m). Nakon taloženja voda se preko monitoring okna ispušta u rijeku Tinju.
- Zauljene otpadne vode sa parking prostora se prikupljaju putem slivnih rešetki i kanala te odvede do separatora ulja i masti. Zauljene otpadne vode iz hale za remont mehanizacije se putem kanala odvede do separator ulja i masti, kapaciteta $Q=6$ l/s. Nakon tretmana voda se preko monitoring okna ispušta u rijeku Tinju.
- Sanitarne fekalne otpadne vode se prikupljaju u trokomornu nepropusnu septičku jamu zapremine $V= 12$ m³. Pražnjenje septika vrši JP „9. Septembar“ d.d. Srebrenik.
- Preuzimanje rabljenog ulja, ambalaže i dr. vrši firma „Kemeko-BH“ d.o.o. Lukavac.
- Zbrinjavanje ostalog čvrstog otpada vrši se u kontejnerima do konačnog preuzimanje i zbrinjavanje firme „9. Septembar“ d.d. Srebrenik.

- Ugovor o pružanju usluga monitoringa potpisan je sa TQM d.o.o. Lukavac. Prema rezultatima analiza nisu utvrđeni parametri koji prekoračuju dozvoljene vrijednosti propisane Uredbom o uslovima ispuštanja otpadnih voda u prirodne recipijente i sisteme javne kanalizacije.

U prethodnom periodu od dana izdavanja rješenja o vodnoj dozvoli pravno lice „Jablan“ d.o.o. Srebrenik na lokaciji prostora površinskog kopa–kamenoloma „Gradina“, Grad Srebrenik nije vršilo dogradnju sistema prikupljanja, tretmana i ispuštanja tehnoloških otpadnih voda.

U prethodnom periodu pravno lice je počelo izgradnju prostora betonare, prališta mehanizacije, parking prostora teške mehanizacije, mobilne drobilice (postrojenje i dr.) a što nije obuhvaćeno ovom vodnom dozvolom. Pravno lice je upoznato sa potrebom ishodovanja vodnog akta od strane Agencije (prethodna vodna saglasnost, vodna saglasnost i vodna dozvola) za nove-planirane objekte i sadržaje tj. aktivnosti.

Na osnovu dostavljene dokumentacije i utvrđenog činjeničnog stanja, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodnom dozvolom propisani uslovi u skladu sa odredbama člana 116. Zakona o vodama i članova 12. i 13. Pravilnika o sadržaju, obliku, uslovima, načinu izdavanja i čuvanja vodnih akata i Uredbe o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07, 10/14 i 03/16).

Na osnovu provedenog postupka konstatuje se da je podnosilac zahtjeva „Jablan“ d.o.o. Srebrenik ispunio minimum uslova za izdavanje vodne dozvole za ispuštanje tehnoloških otpadnih voda i aktivnosti koje mogu imati specifične uticaje na vode sa lokacije prostora površinskog kopa – kamenoloma „Gradina“, lokalitet Potpeć, Grad Srebrenik, te je riješeno kao u dispozitivu ovog Rješenja.

Podnosilac zahtjeva je uplatio upravnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi („Službene novine Federacije BiH“, broj 06/98, 8/00, 45/10 i 43/13).

Uputa o pravnom lijeku:


Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15.0 KM administrativne takse, prema tarifnom broju 3. Tarife federalnih administrativnih taksi.

Voditelj postupka:

mr.sc. Selma Merdan, dipl.inž.geol.

Prilog: Tehnička dokumentacija navedena pod B obrazloženja rješenja

Po ovlaštenju
Rukovodilac sektora za izdavanje vodnih akata

Nihad Pezo, dipl.inž.grad.

Dostaviti:

- „Jablan“ d.o.o.
Bajazita Kešetovića bb, 75350 Srebrenik, (sa prilogom),
- ⊙ AVP Sava, ISV-vodna knjiga
- sektor 50
- sektor 40 – arhiva
- oglasna ploča – AVP Sava